

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-885-55-00

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



র্যাব-এর অভ্যন্তরীণ অনুসন্ধান সেলের গ্র্যাজুয়েশন অনুষ্ঠানে যুক্তরাষ্ট্রের রাষ্ট্রদৃত ড্যান মজীনার বক্তব্য

র্যাপিড অ্যাকশন ব্যাটালিয়ন

সদর দফতর, কুমিটোলা

১৮ই জানুয়ারি, ২০১২

আসসালামু আলাইকুম! শুভ অপরাহ্ন!

আজকের দিনটি হয়তো র্যাপিড অ্যাকশন ব্যাটালিয়নের ইতিহাসে সবচেয়ে গুরুত্বপূর্ণ দিন।

আজ, বাংলাদেশ সরকার ও র্যাবের নেতৃত্বে এই চমৎকার দেশের নাগরিকগণের কাছে এবং বিশ্বব্যাপী বাংলাদেশের বন্ধুদের কাছে ঘোষণা করছেন যে র্যাব বাংলাদেশের আদর্শের প্রতি এবং এই রাষ্ট্রের আইন মানার প্রতি নিবেদিত। এছাড়াও র্যাব এদেশের মানবাধিকার ও মর্যাদাপূর্ণ নীতির সাথে সঙ্গতি রেখে নিজ কর্মকাণ্ড পরিচালনা করবে যে নীতির জন্য এই জাতি চালিশ বছর আগে লড়াই করেছিল।

আজ, র্যাবের নবগঠিত অভ্যন্তরীণ অনুসন্ধান সেলের এই উনিশজন কর্মীবাহিনীর একটি দলকে প্রশিক্ষণ প্রদান ও গ্র্যাজুয়েশনের মাধ্যমে সরকার ও র্যাবের নেতৃত্বে স্পষ্ট করেছেন যে র্যাব তার সদস্যদের কর্মকাণ্ডকে জবাবদিহিতার আওতায় আনবে যাতে তারা আইনানুগভাবে কর্ম পরিচালনা করে ও আন্তর্জাতিকভাবে স্বীকৃত আইন প্রয়োগের কৌশল ও প্রক্রিয়া বজায় রাখে, এবং ভুক্তভোগী ও অভিযুক্তদের অধিকার নিশ্চিত করে ও মানবাধিকার ও মর্যাদা রক্ষায় শ্রদ্ধাশীল হয়।

বস্তুত, আজ র্যাপিড অ্যাকশন ব্যাটালিয়নের ইতিহাসের সবচেয়ে গুরুত্বপূর্ণ একটি দিন হতে পারে।

এবার আমি আমার বক্তব্য পাঁচ সপ্তাহব্যাপী নিবিড় প্রশিক্ষণ কর্মসূচির পর আজকে পাস করা সেই উনিশজনের উদ্দেশ্যে বলতে চাই। তাদের এই প্রশিক্ষণের মূল লক্ষ্যই ছিলো একটি আইন প্রণয়নকারী সংস্থা আইনের আওতায় থেকে ও যেসব নাগরিকদের সুরক্ষিত করতে তারা প্রতিজ্ঞাবদ্ধ সেই নাগরিকদের অধিকারের প্রতি শ্রদ্ধাশীল থেকে কতটা কার্যকরীভাবে মানুষের সর্বোচ্চ সুবিধার্থে নিজের কর্মকাণ্ড পরিচালনা করতে পারে। আমি

আগেও উল্লেখ করেছি, এই উনিশজন র্যাবের নবগঠিত আভ্যন্তরীণ অনুসন্ধান সেলে (ইন্টারনাল এনকোয়্যারি সেল) কাজ করবেন। এই সেল র্যাবের সকল সদস্যদের তাদের আচরণের জন্য জবাবদিহিতার আওতায় আনার দায়িত্বপ্রাপ্ত।

সম্মানিত গ্র্যাজুয়েটগণ, চার দশক আগে এক প্রজন্ম বীর বাংলাদেশ সৃষ্টি করেছিলেন। সেই বীরেরা অদম্য সাহস দেখিয়ে এবং অনেক ত্যাগ স্বীকার করে একটি মুক্ত ও স্বাধীন বাংলাদেশ গড়ে তোলার মাধ্যমে বাংলাদেশের জনগণের অধিকার ও মর্যাদা বজায় রাখেন। তারা যে দায়িত্ব কাঁধে তুলে নিয়েছিলেন তা ছিল অপরিসীম চ্যালেঞ্জপূর্ণ।

আপনারা যখন এই অভ্যন্তরীণ অনুসন্ধান সেলে নিজ নিজ নতুন দায়িত্ব গ্রহণ করছেন, তখন আমি আপনাদের প্রতি আহবান জানাই যে আপনারা যেন ৪০ বছর আগের সেই বীরদের কথা স্মরণ রাখেন এবং আপনাদের সামনে যে কঠিন ও চ্যালেঞ্জিং দায়িত্ব রয়েছে সেটা গ্রহণের আগে মনে গভীর সাহস নিয়ে নিজেদের প্রস্তুত করুন।

অভ্যন্তরীণ অনুসন্ধান সেলের সদস্য হিসেবে আপনাদের হয়তো অনেক চাপের সমুখীন হতে হবে। প্রতি বাংলাদেশের আইনের প্রতি উপহাস করে এবং নাগরিক, অপরাধের শিকার ও আসামির অধিকারের জন্য বাংলাদেশের নিয়মকানুনের প্রতি অশ্রদ্ধা দেখিয়ে যখন কেউ নিজের হাতে আইন তুলে নেবে তখন আপনাদেরকে হয়তো অন্য দিকে মুখ ফিরিয়ে রাখতে বলা হতে পারে।

অনেকেই আপনাদের বলবে যে রাস্তার বিচারই একটি বিচারহীন অবস্থা থেকে উত্তম। এসব সহজ কথায় প্রলোভিত হবেন না। আপনারা এ বিষয়ে পড়াশোনা করেছেন এবং যারা পুলিশের ন্যায় দায়িত্ব পালন করে তাদের দেশের আইন ও মূল্যবোধের প্রতি তাদের জবাবদিহি নিশ্চিত করার গুরুত্ব কতখানি সেটা আপনারা জানেন। নতুনা, এই শক্তিগুলোর যাদেরকে রক্ষা করার কথা তাদেরই ধ্বংস করে দিতে পারে।

যে কোনো পেশাদার প্রতিষ্ঠানের কোনো সদস্য যদি সেই প্রতিষ্ঠানের আদর্শ ও সর্বোপরি জাতির আদর্শমতে চলতে না পারে তাহলে তাকে সঠিক পথ দেখানোর এখতিয়ার সেই প্রতিষ্ঠানের থাকতেই হবে। অতীতের কিছু ঘটনায় সন্ত্রাসবাদ ও অপরাধের বিরুদ্ধে র্যাবের তুলনামূলক সাফল্যে কালিমা লেগেছে। আপনারা র্যাবের ইতিহাসের সেই অধ্যায়ের সমাপ্তির এবং নতুন একটি অধ্যায় উন্মোচনের চাবিকাঠি। যেই অধ্যায়ে দেশের সংবিধান, আইন ও নিয়মের প্রতি শ্রদ্ধা রেখে ও মানুষের অধিকার ও সমানের প্রতি শ্রদ্ধাশীল হয়ে জনগণকে সেবা প্রদানের লক্ষ্যে সৎ ও একান্তভাবে দেশের আইন প্রয়োগের প্রতি নিবেদিত র্যাব সদস্যরা পেশাদার আইন প্রয়োগকারীদের মতো আচরণ করবে।

সরকার ও র্যাবের নেতৃত্বন্দি অভ্যন্তরীণ অনুসন্ধান সেল গঠন ও এই নবগঠিত সেলে কর্মী নিয়োগের জন্য সবরকম সহায়তা প্রদান করেছে। আপনারা যখন নিজ নতুন দায়িত্ব গ্রহণ করবেন তখনও এই সহায়তা অব্যাহত থাকবে বলে আমার বিশ্বাস। এই নতুন সেল র্যাবকে একটি নিবেদিত আভ্যন্তরীণ অনুসন্ধান শাখা প্রদান করেছে; নাগরিকগণের অভিযোগগুলো গ্রহণ, নিবন্ধন ও সেগুলোর প্রতি সাড়া দেয়ার এক নতুন পদ্ধতি প্রণয়ন করেছে।

র্যাবের এখন একটি আচরণবিধি রয়েছে যা আগে ছিলো না। র্যাবের এখন একটি সুষ্ঠু ক্ষমতা প্রয়োগ সংক্রান্ত বিধিমালা রয়েছে যা সকল র্যাব সদস্যদের স্বাক্ষর করতে হবে। এই সেলের কার্যকরী পরিচালনার লক্ষ্যে একটি পরিচালনা বিধিরও প্রণয়ন করা হয়েছে।

এ সকল নতুন গঠনমালা ও প্রক্রিয়াগুলো অত্যন্ত ভালো এবং এগুলো এমন একটি র্যাব বাহিনীর প্রতিশ্রুতি বহন করে যে বাহিনী সর্বোচ্চ মানের পেশাদারিত্ব প্রদর্শন করবে ও বাংলাদেশের নাগরিকগণ সে বাহিনী নিয়ে গর্ববোধ করতে পারবে। তবে, গঠনমালা ও প্রক্রিয়াসমূহের প্রণয়নই কেবল পরিবর্তনের প্রভাবক হিসেবে কাজ করতে পারে না। এই সেলের গঠনমালা ও প্রক্রিয়াগুলোর বাস্তবায়নই এমন একটি র্যাব বাহিনী প্রতিষ্ঠার চাবিকাঠি যে বাহিনী দেশের নাগরিকদের অধিকার ও সম্মানের প্রতি পূর্ণ শ্রদ্ধা বজায় রেখে কাজ করবে।

এক্ষেত্রেই আজকের পাস করা কর্মকর্তারা একটি গুরুত্বপূর্ণ ভূমিকা রাখতে পারেন। নতুন প্রজন্মের জন্য আদর্শরূপে পরিণত হওয়ার এটাই সুযোগ আপনাদের। সকল র্যাব সদস্যদের সর্বোচ্চ মান অনুযায়ী জবাবদিহিতার আওতাভুক্ত করার কঠিন কাজের গুরুদায়িত্ব পালনের লক্ষ্যে অদম্য সাহস জাগিয়ে তোলার একটি সুযোগ এটি। এই লক্ষ্য সফলতার সঙ্গে কাজ করার মাধ্যমে আপনারা সত্যিকার অর্থেই বাংলাদেশের আদর্শে পরিণত হবেন।

এই নায়করা যখন একটি অত্যন্ত কঠিন মিশনের দিকে এগিয়ে যাচ্ছে তখন তাদের দিকে তাকিয়ে আমি গর্বিত বোধ করছি কারণ আমার সরকার, বাংলাদেশ সরকার ও র্যাপিড অ্যাকশন ব্যাটালিয়নের উর্ধ্বতন কর্মকর্তাদের পূর্ণ সহযোগিতায় এই নতুন আভ্যন্তরীণ অনুসন্ধান সেল গঠনে এবং আজকে পাস করা এই উনিশজনের প্রশিক্ষণে সহায়তা করতে পেরেছে।

আমি আসলেও বিশ্বাস করি যে আজকের দিনটি র্যাপিড অ্যাকশন ব্যাটালিয়নের ইতিহাসে সর্বশ্রেষ্ঠ দিন হিসেবে প্রমাণিত হতে পারে।

=====